

1 In then tagon quam Iohannes ther toufari predigonti in thero uuuostinnu Iudaeae, **2** Sus quedanti: tuot riuua; uuanta nahit sih himilorichi. **3** Thiz ist ther fon themo gikundit uuas thuruh Esaiam uuizagon, sus quedantan: stemna ruofentes in uuuostinnu, garuuet trohtines ueeg, tuot rehto sino stiga. **4** Therselbo Iohannes habeta giuuâti fon hariron olbentono, inti fillinan bruohhah umbi sino lentin; sin muos uuas heuiskrekco inti uuildi honag.